



Uunga:

Doris J. Jensen, Siumut
Inatsisartunut ilaasortaq

§ 37 naapertorlugu apeqquteqaammut nr. 31-mut akissut

Inatsisartut suleriaasianni § 37, imm. 1 naapertorlugu apeqqut Inatsisartuni ilaasortamit Doris J. Jensenimit, Siumut apeqqutigineqartoq Naalakkersuisunit ullormi 8. februar 2024-mi tiguneqarpoq.

Apeqqutininut akissutit tulluuttumi takuneqarsinnaapput.

1. Qitiusumik allattoqarfiup avataanut, ingerlatsivinnut aamma/imaluunniit suliffeqarfinnut allanut, pisortat suliassaanik Naalakkersuisut isumaginnittussanngortitsisimappat?

Akissut:

Aallaqqaasiullugu erseqqissaassutigissavara, Naalakkersuisut inatsisit ingerlatsinermilu ileqqorissaarnissaq naapertorlugit suliassatik pilersaarusiortuaannarmatikkit.

Apeqqutip akinissaanut Naalakkersuisoqarfiit tamarmik tusarniarneqarput. Tusarniaanerlu tunngavigalugu ingerlatsinermut oqartussaaffimmik assersuutigalugu suliffeqarfinnut, kommunini oqartussanut imaluunniit arlaannaannulluunniit attuumassuteqanngitsumik siunnersuisoqatigiinnut aalajangiisartunullu suliakkiisoqarnissaa pillugu aalajangiisoqarsimaneranik Naalakkersuisut ilisimasaqanngillat. Oqartussat taakkua pineqartut ingerlatsinermut oqartussanngortinneqassappatta, tamanna erseqqissumik inatsisitigut tunngaveqarluni pisussaavoq, assersuutigalugu inatsisit uku malillugit pisoqassappat:

- Umiarsualiviit pillugit Inatsisartut inatsisaat nr. 9, 3. juni 2015-imeersoq, § 22, imm. 2.
- Piniarneq aallaaniarnerlu pillugit Inatsisartut inatsisaat nr. 34, 13. juni 2023-meersoq, § 4, imm. 2, il. il..
- Radiukkut tv-kkullu aallakaatitsisarneq pillugu Inatsisartut Inatsisaat nr. 7, 8. juni 2014-imeersoq, § 43, imm. 2.

Siuliini taaneqartut eqqarsaatigalugit naggasiullugu oqaatigissavara, allaffissornikkut kukkusoqarsinnaammat, qitiusumillu allattoqarfiup suleriaasianik avataaneersunillu suleqateqarneranik tamakkiisumik misissuinissaq isumalluutinik atuinissap¹ § 37 naapertorlugu apeqqummut akissuteqarnissamut avataaniimmat. Inatsisartuni ilaasortaq suliassaqarfimmu suliassamulluunniit aalajangersimasumut tunngatillugu ingerlatsinissamut tunngaviumik nassuiaasioqqusippat, Naalakkersuisut soorunami tamanna pillugu nassuiaasiussapput.

¹ Inatsisartut Suleriaasianni § 37, imm. 2, nr. 2.

05-03-2024
Suliap normua 2024 - 3576
All. normua. 23905291

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
e-mail: govsec@nanoq.gl
www.naalakkersuisut.gl

2. Ingerlatsiviit/suliffeqarfiit suut pineqarpat?

Akissut:

Apeqquut 1-imut akissut takuuk.

3. Sammisassarissat suut pineqarpat?

Akissut:

Apeqquut 1-imut akissut takuuk.

4. Allattoqarfiup avataanut isumaginnittussanngortitsineq pillugu Naalakkersuisut nalunaarusiorsimappat?1

Akissut:

Apeqquut 1-imut akissut takuuk.

5. Oqartussaasumut qulliunerusumut pisinnaatitaqqaartumut suliassanik utertitseqqissinnaaneq pillugu Naalakkersuisut qulakkeerinnissimappat?

Akissut:

Apeqquut 1-imut akissut takuuk.

Inussiarnersumik inuulluaqqusillunga



Múte Bourup Egede